

〔古史徵一夏〕新進本系とは桓武天皇の御世に、詔令せて奏進しめ給へる諸家の本系帳と云るなり、

〔類聚三代格七〕太政官符

應令諸國郡司譜圖牒一紀一進事

右得式部省解儀、檢案内件圖牒、經數十年一進、或五六年間頻進、因茲短祚早死者子孫懷漏圖之憂、數好改換者、官司有勘會之煩、望請下知諸道、令進件圖牒、以一紀爲限、務存實錄、不致假濫、但依去弘仁二年二月廿日詔書、應進譜圖之狀、三年九月四日下知諸國、訖而諸國所進圖牒、零疊年限不同、如此之國、始進圖年、計其程限、謹請官裁者、右大臣宣依請、

天長元年八月五日

〔三代實錄七〕貞觀五年三月十一日癸酉、詔令近江國坂田郡穴太氏譜圖、與息長坂田酒人兩氏、同

卷進官

〔三代實錄三十九〕元慶五年三月廿六日甲戌、是日制、令五畿七道諸國諸神社祝部氏人、本系帳三年

一進

〔中臣氏系圖〕延喜本系解狀

大中臣氏人等解申進新撰氏族本系帳事

夫本系者、所以立祖宗分昭穆正濫吹表後生之書也、爰自居々登魂命以往、本記雖存、朴略不詳、從太祖天之兒屋根尊以來、父子相承、兄弟載錄、凡厥條分支別之類、必以編次、不失故實、就中殊有立功名者、名下繫其行事、降至廿一世之孫、可多能祐大連公、總生三男、第一男御食子大連公、第二男國子大連公、第三男糠手子大連公、分爲三門、子孫稍衆、御食子大連公生八男、其第一男內大臣鎌足、初爲藤原朝臣、同大臣舍弟八郎垂目連、是散位大中臣氏彝等之祖、次國子大連公、是神祇大副從五位上大